LETTRES

PATENTES DV

ROY, POVR LA CON-

vocation de l'assemblée que sa Majesté veut estre tenuë, à sin d'y resoudre ce qui est necessaire au bien de son Estat, repos & soulagement de ses subjects.



A PARIS,

Chez F.MOREL & P.METTAYER, Împrimeurs & Libraires ordinaires du Roy.

M. D.CXVII.

Auec Privilege de sa Majesté.

Monthson Sent de lon

Cherry 202 at louis gement de lon

COUNTRY A

With the ser & P.Metara, Imvincus X libraires ordinaires du Roy. ... Nessel, D. C X VII.



LETTRES PATENTES
du Roy, pour la conuocation de
l'assemblee que sa Majeste veut
estre tenuë, à sin d'y resoudre ce
qui est necessaire au bien de son
Estat, repos es soulagement de
ses subjects.



OVIS PAR LA
GRACE DE
DIEV, ROY DE
FRANCE, ET
DE NAVARRE.
A tous ceux qui
ces presentes let-

tres verront; Salut. Si tost qu'il pleut

Au

à Dieu par son immense bonté nous deliurer des pernicieux desseins de ceux qui trauailloient à estouffer nostre authorité dans les ruines de nostre Estat: Nous conuertismes nos premieres pensées à appaiser les mouuemens, que l'apprehension de la calamité publique auoit sousseuez parmy nos sujects. Cela nous ayant heureusement reussi, Nous ierrasmes les yeux sur la fortune de nos voisins affligez, & considerans les troubles ou ils estoyent, & les miseres que la continuation des guerres leur deuoit apporter, dont le peril encor auec le temps eust redondé insques à nous, Nous estimasmes ne pouuoir rienplus genereusement entreprendre que de leur procurer par toutes sortes d'ofhees le mesme bien de paix dont nous iouissions. En quoy Dieu ayant fauorise nostre entremise & rendu icelle 5.2

agreable à tous les Princes interessez, les choses se sont si heureusemet acheminées, que nous pouuons fort vraysemblablement nous promettre de voir en peu de jours la Chrestienté en vn heureux & asseure repos, & par ainsi nous demeurerons auec plus de loisir & de commodité, pour tourner tous nos soins à l'entiere restauration de nostre Estat. Mais commençans à serieusement nous y employer, Nous en auons recogneu la deprauation si grande, & toutes les parties si estrangement alterées, que la crainte de ne pouuoir venirà bout d'vn ouurage si ardu: Nous auroit sans doute demeu de nous y engager plus auant pour ceste heure, si les merucilles que Dieu à cy deuant operé en nous, ne nous eufsent appris, que ceux qui ont les intentios droictes, & sont assistez de sa grace, ne doiuent de rien desesperer Re-

A iij

doublans donc par ceste cossideration nostre courage, & recherchans les moyens pour advancer un si sainct œuure: Nous nous sommes rememorez de ceste grande & celebre afsemblée des trois Estats de nostre Royaume, laquelle durant nostre minorité avoit esté convoquée pour mefme effect, qui toutesfois en auoit esté empesché à l'occasion des troubles suruenus en nostre Royaume, de sorte que tant de conferences, consultarios & deliberations faictes auec beaucoup de labeurs, de fraiz & despences, n'auoient produict autre fruict, sunon que les remonstrances, plainctes, & doleances de nos peuples auoient esté toures compilées en leurs cahiers, & à nous presentées. Aux responses desquelles nous trauallions soigneusement, & serieusement auec nostre Conseil, lors que nostre voyage de

Guyenne, & les mouuemens qui suruindrent interrompirent nostre dessein: Tellement qu'il reste le principal, qui est de pourueoir à tant de maux,& desordres, lesquels ayans esté curieusement sondez & descouverts, sont demeurez iusques à present sans remede. Ce que nous auons jugé ne se pouuoir, ny plus commodément, ny plus solidement faire, que par le Conseil de personnes, la dignité, probité, experience, & reputation desquelles persuadast à vn chacun, que les resolutions qui auront esté prises par leurs aduisn'ont autre but, ny visee, que le bien & salut de nostre Royaume. Nous asseurant apres cela qu'il ne se crouuera nul de nos subjects, ny si desnaturé, ny si aucuglé de sa passion, & de son interest priué, qui considerant ce qu'il doit à sa patrie, & que son Calut particulier est enclos dans le pu-

blic, ne se range volontairement à ce qu'il iugera luy mesme necessaire pour la conservation de l'Estat. Et pour ce, nous nous sommes resolus de conuoquer au vingt-cinquiesme du mois de Nouembre prochain prés de nous, du ressort de chacun de nos Parlemens des plus signalez, & capables personnages, soit de l'Eglise, soit de la Noblesse, soit de nos Officiers en tel nombre, que pour estre trop grand, il ne puisse apporter incommodité, ou confusion, ny pour estre trop petit, aucun defaut, ou manquement, pour par leurs aduis pourueoir au contenu desdits cahiers, ensemble sur le reglement de nos Conseils, ordre, & distribution de mos finances, reformation des abus qui se trouvent en tous les ordres de nostre Royaume, & generalement sur tout ce qui se trouuera necessaire & expedient

dient pour le bien & soulagement de nos suiccts, & seureté de nostre Estat, honneur & dignité de nostre Couronne,& affermissement de la paix en nostre Royaume. Et à fin que ce sainct œuure puisse estre encores plus celebre & recommandable, quand on verra que chacun selon le rang plus eminent qu'il tient en nostre Royaume, y contribuera sa prudence, & son affection. Nous auons pourueu qu'au mesme temps, les Princes, Cardinaux, Ducs & Pairs & Officiers de nostre Couronne se rendent prés de nous, pour entendre encores leurs aduis, sur ce qui nous sera conseillé & representé par ladicte assemblée: Nous asseurant que ce qui aura esté vne fois estably par de si graues & prudens conseils, sera puis apres inuiolablement obserué. En quoy, comme nous protestons deuant le Dieu viuant, que

nous n'auons autre but & intention que son honneur & le bien & soula. gement de nos subiects: aussi au nom de luy mesme, Nous coniurons & obtestons ceux que nous conuoquons. Et neatmoins par la legitime puissance qu'il nous a donnée sur eux: Nous leur commandons, & tres-expressement enioignons, que sans autre respect, ny consideration quelconque, crainte ou desir de desplaire ou complaire à personne, ils nous donnent en toute franchise & sincerité, les conseils qu'ils iugeront en leur conscience, les plus salutaires & conuenables au bien de la chose publique. A CES CAVSES, & à fin que chacun sçache que telle est nostre intention, & que les souhaits, vœus & prieres de tous nos peuples attirent sur nous l'ayde & faueur de celuy qui seul inspire les bons mouuemens, & en rend heureux

le succez: De l'aduis des Princes & autres Seigneurs de nostre Cóseil, Nous auons decerné & decernons nos presentes lettres de declaration, indiction & convocation. Donnons en MANDEMENT à nos amez & feaux, les gens tenans nos Cours de Parlemens, ou Chambres des vacations, qu'icelles ils facent, lire, publier, & registrer. VovLons aussi tous les Prelats, Curez & autres, ayans l'administration des Conuents & Monasteres de nostre Royaume, estre exhortez & aduertis de nostre part, à ce que durant ladicte assemblée, ils facent faire processions & prieres publiques par toutes leurs Eglises, pour inuoquer l'esprit de Dieu sur nous, implorer sa grace & misericorde, à sin que ce que nous entreprenons puisse reussir à fa gloire, au salut de nos subiects, & restauration de nostre Estat. CAR telest nostre plaisir. En TESMOIN dequoy nous auons faict mettre nostre seel à cesdites presentes. Donne à Paris le quatriesme iour d'Octobre, l'an de grace mil six cens dix sept. Et de nostre regne le huictiesme.

Signé,

LOVIS.

Etsur le reply par le Roy,

DELOMENIE.

Et seellé du grand sceau de cire iaune sur double queuë.

Et sur ledit reply est escrit.

R egistrées ouy & requerant le Procureur General du Roy, pour estre executées selon sa forme es teneur, ordonne que copies collation13

nees seront enuoyées aux Bailliages, El Seneschausées, pour y estre leuës, publiées, El registrées à la diligence des Substitus du Procureur General qui certifiront la Courauoir ce faict au mois. A Paris en la Chambre des Vacations le douziesme Octobre, mil six cens dix-sept.

Signé, DV TILLET.

















